

Primljeno: 26-07-2021			
Org. jed.	Broj	Priloga	Vrijednost
02	-02-	1333	21

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
n/r predsjedavajućeg

Poštovani,

U skladu sa Poslovníkom o radu Doma naroda Parlamenta Federacije Bosne i Hercegovine podnosim amandmane na **Prijedlog zakona o obrtu i srodnim djelatnostima u FBiH / hitni postupak:**

#### AMANDMAN I

Dodaje se član 18a koji glasi:

#### Član 18.

#### (Obrtnica)

- (1) Za obavljanje obrta, obrtnik mora imati obrtnicu, koja je, u smislu ovog zakona, odobrenje za rad.
- (2) Po upisu u Obrtni registar obrtnička komora kantona (u daljem tekstu: kantonalna komora) na čijem teritoriju se nalazi sjedište obrta obrtniku izdaje obrtnicu.
- (3) Obrtnica se izdaje u dvije veličine od kojih je veću obrtnik dužan izložiti u sjedištu obrta, na vidnom mjestu.
- (4) Izradu i distribuciju obrtnica kantonalnim komorama, u skladu sa stavom (6) ovog člana, vrši Komora.
- (5) Cijenu obrtnice određuje Skupština Komore i ne može iznositi više od 3 % prosječne plate u Federaciji Bosne i Hercegovine obračunate u prethodnoj kalendarskoj godini.
- (6) Sadržaj i oblik obrtnice pravilnikom propisuje Ministar.

#### OBRAZLOŽENJE:

Nedopustivo je izbacivanje Obrtnice koja postoji u svim zemljama okruženja, pravdajući se dosadašnjim neizdavanjem iste. Obrtnice nisu printane iz razloga što je papir koji je Pravilnikom (koji donosi Ministarstvo) namjenjen nemoguće uvesti i preskup je (za isti su potrebne posebne dozvole i dopuštenja kao da se uvozi papir za printanje novca i vrijednosnih papira). Znači, potrebno je samo pravilnikom promijeniti vrstu papira. Obrtnica je zaštitni znak svakog obrtnika u EU i predstavlja svojevrsno priznanje za obrtnika i mora se vratiti u Prijedlog Zakona.

## AMANDMAN II

U članu 19. prijedloga zakona dodaje se novi stav 2. a stav 2. postaje stav 3.

- (2) Obrtnici koji obavljaju obrt u skladu sa članom 40. ovog zakona, mogu ponuditi i proizvode drugih tradicionalnih proizvođača (suvenire, nakit i antikvitete) koji se uklapaju u cjelovitu ponudu, a količina takvih proizvoda ne može premašiti količinu proizvoda iz oblasti osnovne djelatnosti, koja je propisana šiframa djelatnosti u rješenju kojim je odobreno obavljanje djelatnosti.

### OBRAZLOŽENJE:

Promet proizvoda koji su vezani za djelatnost obrta je bila najveća negativna promjena s donošenjem Zakona 2009. godine. Nakon burne reakcije obrtnika rečeno je da se može baviti prometom odnosno trgovinom u manjoj mjeri. I sada se ministarstvo poziva na Član 24. Stav 4., ali u praksi obrtnici suočeni s inspekcijom doživljavaju neugodna iskustva uvijek praćena velikim novčanim kaznama. Ministarstvo trgovine se izjasnilo protiv trgovine u obrtu, jer to kao zadire u resor njihovog ministarstva. Ovakvim činom mnogi obrtnici su svjesno gurnuti u sivu ekonomiju, a država gubi milione maraka godišnje.

## AMANDMAN III

U članu 23. stav 1. mijenja se i glasi

- (1) Članovi zajedničkog kućanstva mogu u obavljanju obrta pomagati obrtniku, ako je obrtnik na bolovanju, službenom putovanju ili godišnjem odmoru.

### OBRAZLOŽENJE:

Dosadašnja praksa je pokazala da je inspekcija kažnjavala obrtnike kod kojih je u radnji zaticala članove užeg kućanstva. Dakle, ovaj član detaljnije definiše odredbu kako ne bi na terenu stvarao konfuziju na relaciji obrtnik-inspekcije.

## AMANDMAN IV

Iza člana 33. prijedloga zakona o obrtu i srodnim djelatnostima dodati član 34. i član 35. koji bi glasili:

### Član 34.

**(Prijenos obrtnice u slučaju kupoprodaje obrta)**

- (1) Obrtnica se može prenijeti na drugo lice u slučaju kupoprodaje obrta
- (2) Kupac obrta može nastaviti vođenje obrta sam, ako ispunjava uslova iz člana 5. i člana 6. ovog Zakona ili putem zaposlenika koji mora biti u radnom odnosu kod kupca obrta i ispunjavati uslove iz člana 5. i člana 6. ovog Zakona.

### Član 35.

**(Uslovi za prijenos obrtnice u slučaju kupoprodaje obrta)**

- (1) Kupac obrta iz člana 34. stav (2) ovog Zakona dužan je podnijeti nadležnom organu zahtjev za prijenos obrtnice u roku od 30 dana od dana zaključivanja kupoprodajnog ugovora.
- (2) Uz zahtjev iz stava (1) ovog člana mora se priložiti:
  - ovjeren kupoprodajni ugovor;
  - dokazi o ispunjavanju uslova iz člana 5. i člana 6. ovog Zakona
  - ime i prezime zaposlenika i dokaz da ispunjava uslova iz člana 5. i člana 6. stav ovog Zakona, ako kupac nastavlja voditi obrt putem zaposlenika;
  - ovjerenu izjavu kupca da preuzima sve obaveze nastale u toku obavljanja obrta do trenutka njegove kupovine.
- (3) Nadležni organ iz stava (1) ovog člana donosi rješenje, te upisuje prijenos obrtnice i nastavak vođenja obrta putem zaposlenika u Obrtni registar.

### OBRAZLOŽENJE:

Izuzetno je važno vratiti u prijedlog zakona članove 37. i 38. trenutno važećeg zakona koji govori o kupoprodaji obrta (obrtnik mora biti u mogućnosti prodati obrt drugoj osobi). Ovo je pogubno za opstanak obrta i tržišta, posebno za stare i tradicionalne zanate i brend obrta. Zamislite neki obrt koji je poslovaio 100 i više godina i da ga vlasnik mora prvo ugasiti, a onda netko drugi otvoriti na drugo ime. Automatski se gubi kao brend i praktički postaje novosnovani obrt (recimo da se ugasi coca cola, mercedes, i drugi poznati brendovi).

## AMANDMAN V

**U članu 46. stav 4 mjenja se i glasi;**

- (4) Fizička lica iz stava (1) ovog člana obavezna su plaćati članarinu, čiju visinu utvrđuje Skupština Komore, u mjesečnom iznosu ne većem od 1 % iznosa osnovice za obračun doprinosa za prethodnu godinu koju objavljuje Federalno ministarstvo finansija/financija.

### OBRAZLOŽENJE:

Ovakav prijedlog bi bio u skladu s dosadašnjim Zakonom koji je na snazi i osigurao bi kontinuitet rada i opstanak obrtničkih komora u FBiH.

## AMANDMAN VI

**U članu 65. stav 1. mjenja se i glasi:**

Skupština Komore donosi Statut kojim se utvrđuje organizacija i način djelovanja Komore.

### OBRAZLOŽENJE:

U prijedlogu je navedeno da saglasnost na statut daje Vlada Federacije BiH. Kako se Obrtnička komora FBiH registrira na Sudu i prolazi notarsku obradu nema potrebe za još dodatnim davanjem suglasnosti od Vlade FBiH.

Mostar, 26.07.2021.godine

**Predlagač:**



**Aner Žuljević**